

黃葉邨庄詩集

光緒己卯仲冬
吳垣書藏



832634

黃葉邨莊詩集卷六



題友人像

蔣花如雪柳絲飛
依約州泉舊釣磯
我是江湖把竿手
十年閒却綠簑衣
麥風花氣引吳舫
綠漲前溪水沒篙
酒盃薰爐容
偃蹇讀書定解讀
離騷

次園表游黃山留別韻

養親無計破牢愁
十口驅人作遠游
鷗鷺舊盟留我住
江山新句倩君收
烏篷水長桃花斫
白裕春

黃葉邨莊詩集卷六

生杜若洲礫确莫嫌行
李惡竹簷籬杖儘清幽

次韻訓嘉善魏禹平

遠寄花間遲握手
竭來雨夜共燒燈
相看尚論多竒學
未肯依人得著稱
慰藉新知憑綠酒
挽留殘歲繫朱繩
招攜同入江西社
俗眼何曾別愛憎
白髮黃雞奈老何
荒墳宿草故人多
已同圓照通諸觀
不礙方回唱好歌
鄰借招提饒竹樹
溪沿略徇隱藤蘿
軟紅三尺京華夢
倚櫂迎船待子過
習氣年來盡破除
除鉤繩相準說麤疎
早驚長史真佳士
自喜中郎得異書
泥酒情懷將別候
養花天

氣落燈初十年薰沐翹賢館得失相關一引裾

次司農公新齋落成韻送禹平井遊

簷端遙望出修椽春動園林樹樹妍邀得髯君尋

宿約重聽舊雨對床眠

謂今元州來

通家不隔絳帷紗小摘情親自煮茶執手道傍留

苦語莫隨時習戀春華

千杵稀膏沁雪涼剡溪藤紙白于霜朝來戲寫官

奴帖未剖雙魚進古香

軟紅三尺動春暄偃蹇籃輿輕復軒細碎夢華煩

撥拾更將餘事記名園

黃葉邨莊詩集卷六

李蒙山二尹署石篆多惠政叠前韻贈之

擘窠縛帚大千椽鳳諾雲書兩鬪妍衙鼓無聲春

稅足黃綢被底儘高眠

白話晴窓日映紗瀉山槌餅趙州茶摩圍了却公

家事只合吟詩錢歲華

莫誚前人作法涼相期朝夕凜冰霜女陽萬屋連

桑柘嫩綠陰中煮繭香

頓今冬夜變春暄暇日寒帷候使軒慰眼畫圖尋

故事東園載酒到西園

東園載酒西園醉為石門張氏故事蒙山署篆時得盛子昭真跡正畫此詩意

亦一奇也

次陸敬峰侍御韻

三首

野史亭空未可依
論歸寥廓賞音稀
功成廝養圖
僥倖力護城隍計
隱微十丈豐碑留佛屋
千秋碧
血照園扉
夕陽繫馬藁祠下
冷酸酸風蝙蝠飛

宿于

忠肅公祠

把茅此地可相依
獨木為橋履跡稀
寺近重泉寒
翠濕山經宿
雨曉光微
探竒客去多留偈
乞食僧
還自啓扉誰據
香爨獅子座
轉頭芳草落紅飛

遊靈

寺隱

鷗盟鷺社舊因依
冷淡襟期覲面稀
粉本我慚摹

黃華邨莊詩集卷六

三

道子高懷君遠過
探微打包行脚
芒為屨飽針支
頭鐵作屏結習難忘
三宿在夢回京洛
軟紅飛

遊韜

次韻答海鹽曹石間大行

驂駟得路尚蹉跎
迹邱園許見過
一笑青衫行
輩少弗嫌白眼
世情多椒蘭入座
香同調宮律相
旋韻自和橫槩
建安慚季重
月明誰為發高歌

橙齋聽歌次禹平韻

輕撚鳳尾星紋碎
小插花腔雨點催
誰是開元李
供奉忽驚法曲在
蒿萊

擲笛休嫌出字遲
綠腰聽取換頭時
較量分判無多子
移轉宮商只一絲

賭劫爭碁笑觸蠻
小詞偷學擬花間
赤憎桃李傷春思
留取青梅感遠山

紅牙膩板約清歌
唱徹清宵未覺多
可是後身劉快活
花簪雙髻醉中馱

再疊前韻

今徵前事傳觴速
詩限蘭膏擊鉢催
蝸強遺山仍下拜
紫薇元屬小東萊

東皇約勒放花遲
一笛臨風試手時
紅袖正圍年

少客柳家新樣寫
烏絲

黃葉部 莊詩集卷六

四

螺紋矮几出烏蠻
翠瑄柳壺壓兩間
煖炙笙簧輕點字
密排箏柱遠離山

詩人老去戀新歌
低拂簾旌燕燕多
不惜當筵呈一曲
纏頭蜀錦十千馱

次晦木韻

二首

莫訝知音廡下傭
賣漿屠狗得相從
臨風小閣聽珠串
踏雪平橋記履蹤
鎮日哀鳴憐謝豹
長年辛苦笑黃蜂
饑驅只合山中住
石廩車箱待啓封

秋士悲秋弗怨春
熱腸冷面可相親
只愁米貴嫌

童僕莫倚詩成動鬼神禪榻鬢絲縈昔夢佛燈經
卷話前身春禽百轉催歸切雪澗冰澗浣俗塵

次張鹿牀韻題顧苻文畫

此事外間殊不爾莫言尺幅只尋常展看麤了圖
中意乞得還貪袖底藏著我谿橋尋履跡憑君筆
墨破苔香鹿牀苦語各努力鼎鼎驅人歲月忙

題禾中僧冊子

僧事母孝善治目疾
画墨竹師魯孔森

少小塗鴉畫竹枝魯山一見嘆魁竒煙霞眷屬原
同派香爇千爨記本師

唳鶴語鳩怨東風慈竹春依子母藁惆悵涪翁詩

句子白頭重話荔枝紅

黃葉邨莊詩集卷六

五

六時拂拭淨塵埃冷砌閒堦長綠苔自寫此君相
對坐可曾闌入俗人來

春來老眼苦昏花好事人從乞緬茄閉目不觀公
案在金篋撥盡舊根芽

曹葉文章世所宗瀾翻舌本笑雷同甕薑嚼斷真
滋味欲贅筌蹄媿此翁

同社友欽安隱泉次碑刻坡公韻

官舍茅亭成小泊舟檣南正正紛然披榛窈窕經
邱壑撫石依稀識歲年底事纒車喧里媪

臨平人汲
泉纒綠色

益光澤蠶時
喧爭如市

更煩詩版借蘇仙

東坡集中無此詩
疑後人假託也

臨平山

勢俗如許不解塵區得此泉

寺幽日冷松子落拾得枯枝活火然人事相牽成
此集山靈貽誚已三年一瓢沁雪能蠲疾兩腋風
生便欲仙安得佳人竝佳茗花甕法盞瀉名泉

贈女較書次扇頭韻

幾度當前未肯前金璫玉骨兩珊珊紅兜鐵笛前
因在一曲臨風話小憐
南榮把袂共紉書鬪謎藏鈎我不如画取吳綾思
乞與幾回筆墨再躊躇

黃葉都莊詩集卷六

六

九畹芳馨喚小名幽蘭入調泛絃輕綠樽紅燭相
依處白髮深漸我泥卿
不唱吳歛唱越吟停歌攏袖待知音徐孀半面風
簾下孰向睂端問淺深

重九前一日集二棄艸堂用昌黎醉贈張

祕書韻

橫塘去官道柔櫓聲相聞百度經金閶今日始過
君直上德公堂狂呼略具文堂前老柳樹濯濯停
秋雲疊石蒔花藥細蕊舒清芬方池水漣漪蕩漾
鵝鷺羣揖我就賓階少長東西分登壇半吳越摩

壘成孤軍

是多禾部
止四友

主人振雄辨飲醕使酣醺酬義

復條暢意洽仍氤氳所喜臭味合君云我亦云外
間殊不爾喧呶日糾紛如經屠販肆清齋斷腥葷
更歷游冶場正襟謝舞裙隻手力撐住八區轟蠅蚊
轉喉成抵觸蒿艾凌椒薰細碎鄙釘鉅聲牙獵典
墳研田苦磧确子畷我助耘弗期鹵莽獲計策干
古勲酒半刺船去邨墟已夕曛

九日登楞伽山用昌黎城南登高韻

盪舟石湖水清駛恣搏弄登涉風色麤摩挲石理
凍籃輦利腰脚芒屨適體用旣愜酬唱歡何妨絲

黃葉邨莊詩集卷六

七

竹從篔簹二妙借糗資遺老共接翅歸鷗翻極目
孤鴻送冷艷綴寒葩夕陽動枯葑歌聲歇不飛人
語斂復縱初筵未傾倒去意已倥偬後會知何時
執手語鄭重

再疊前韻贈顧子迂客暨雷子遠度

顧侯金閨彥弱小屏戲弄好士急推挽搜竒出寒
凍美茨與惡石斟酌慎所用鹽醢旣雜役方隅分
類從吳會聲利區舟車畦畛共竿牘來翩翻粟肉
嚴饋送蕭艾雖敗羣載拜歌采葑叶綠噎而廢食
此意不可縱因君見雷子吐辭絕倥偬取友俄傾

間然明一語重

度曲竟復觀雜劇三疊韻

酒半度清歌一快臨風弄撚軫調阮絲炙簧破笙
凍黃鍾纔發音衆律旋相用紛然琵琶箏束縛類
儻從少賤多藝能招呼得參共長嘯墮飛鳶響遏
歸雲送絮語韻寒螿刺切出敗葑突如鏡吹沸蹴
踏旌旄縱旗仆金鼓咽歸騎忽倥忽礫砢襄陽播
掉尾聲轉重

次曹正則放船橫塘韻

二首

鷗夷門外郭南邨
記得橫塘傍水墳
官渡盡頭雙

黃葉郵莊詩卷六

八

槩去市橋迴處一燈分
衣單漸覺風爲祟
詩渴還

思酒策勳褲子侯門聞笑語
謹謹櫪馬亂鵝羣

堆盤餅餠未嫌多大嚼從君
卷白波燭影低徊還

信宿山容窈窕似經過
青腰沙市炊香稻紅豆江

南記舊歌亂插菊花霜鬢滿
及時行樂弗蹉跎

題曹希文廉讓擁書圖次星期夏重韻

莫嫌生面便輸心

予初識希文

早辨丹崖路淺深
炙燭看

君兼看画燈前卷裏兩知音

園扉截斷往來賓
蜚人縹緲也可人
却似少時鄉

塾裏早完經課樂雙親

僧繇筆墨頗稱雄
界畫軒窓事事工
我道此中還
缺陷雙鬢合
著在屏風

邱壑縈迴咫尺間
不須雲樹寫荆關
放翁詩句翻
公案蘊藉人如平遠山

喜鍾子靜遠自江山
歸同葉已畦
曹正則

胡圓表姪有原東陽小
飲橙齋次坡公

韻

酒徒未合坐詩窮
一吸千瓢類飲虹
宿草故人猿
鶴怨指用沾泥舊事馬牛風
尚誇鬪彩雄心在偏

許徵歌雅韻同樺燭
慙慙知客意
玉蟲斜放十分

紅

鐵龍長嘯興難窮
鏡隱虬螭劍吐虹
珠刹千尋呈
妙技香巘一擊見
宗風騎驢墮岍
朱公叔負耜橫
經鄭小同吾邨
二三同志士弗隨
時習鬪青紅

再疊前韻送靜遠之江山

西疇學圃嘆年窮
夜驗星河日驗虹
秔稻芒垂黃
雀雨芙蓉花老鯉
魚風較量身事嗟
余晚約略心
期與子同安得
招他查十八酒邊
按拍對羞紅

題禹平山水便面

彈丸終日轉
蜚蜋帽影鞭絲
笑客忙不是水邨真

靜者何緣消受一爐香

功成身退計何時不作塲師作釣師究竟南園曾
乞否只吟詩句是元之

千巘蔽影殘年事未合高華著此身黃葉堆邊牛
糞火為君燒芋話前因

浙派止堪供俗眼蕭疎此幅類荆關千章老樹圍

茅屋尚欠連滴水一灣

便面為武林人
筆脫去浙派

車輪馬足日紛馳袞袞諸賢廊廟資安得招他泉

石手與君倡和水邨詩

筇筓襍禎可過從路轉官塘屈曲通莫怪老夫瘖

不語一溪黃葉墮秋風

黃葉邨莊詩集卷六

十

同商三夜坐海石堂次壁間韻

留髡客散見高情短褐踈簾泥酒觥月遲中宵明
剩魄鳥依佳候變新聲書藏石室歸何晚花戀江
城笈此生長劍依空捍闔在雄談誰為解縱橫

次韻答祝兼山

六七年間見面稀燭光池影嘆鬚眉我衰君老尋
常事驀地相看却一奇

多君篆學益精工笈我衰遲道轉窮把酒浮君須
痛飲百年容易又春風

門戶東西判越江幾家黑白總淪亡汾亭罷講元
經絕高第而今數董常
女手拳然狸首斑合將狂士儼癡頑猶龍比類雖
相戲道在神奇臭腐間

疑屬弓蛇本易消讒成貝錦不終朝長鏡合向空
山老黃獨春來發早苗

記取仙潭鬪曲時畫屏深處喚來遲空梁燕去歌
聲歇炙燭重尋壁上詩

艇子還尋舊雨來銅鐺水熟共茶盃梅花百樹竹
干个黑板橋邊首重回

黃葉邨莊詩集卷六

十一

粧點湖山近十年方塘不復聽潺潺傷心大庾嶺
頭路話到重逢已惘然

靈臺各有真吾筆墨都緣俗學蕪欲向蘭亭換
凡骨眼前能舉一人無

行藏踴躍笑纖兒博帶袞衣老塾師此去舌頭應
掛壁從今閉口不論詩

次韻答湯西崖

相逢狂論氣憑陵細數時賢握虎膺撐柱波瀾君
自足躋攀截業我何曾明瓊鬪彩誇能事花飲分
曹記耦朋

是夕西崖
鬪彩大勝

酬句不辭相迫促旋呼小婢爲

篝燈

郭南看牡丹

鼠姑爛漫近城隈
消得詩翁兩度來
花更嬌嬈相掩映
人當衰暮重徘徊
惜無翠幙朱欄繞
聊借和風輒日陪
見說南塘饒異種
招攜還掉酒船迴

丙寅九月同慮修泊舟閭關出便面索詩

臘盡檢篋中書冊為呵凍了此公案詩

語雜出無倫次不足供一笑也

扁舟蕩漾欲何之
危坐停橈若有思
此處不容名利想
眼追雙鷺定尋詩

黃葉郭莊詩集卷六

五

蕭騷菰蔣近涼秋
傲兀江天得自由
我作画師添底物
酒錯詩卷著船頭

幾家皴染汝河陽
畫苑流傳翰墨香
不向巉巖誇刻畫
惠崇平遠寫蘋鄉

便面為羽士張素行
圖頗有南唐風致

竝船吹簫泊閭門
劇語連宵記燭痕
今夜雪窗呵凍筆
秋風團扇已前因

次韻答南昌丁景臣

交情勘出翟公門
薄俗難于古處敦
鷗鷺羣中堪作隊
雞豚社裏儘稱尊

歌傳村調巴人曲
梅點橫枝楚客魂

時探梅入鄉赤脚裹鹽城市返
驚聞騶騎到江

村

寐語譚言並擅場刀圭誰爲藥膏盲泉源近市分
支濁蘭種荒蠟特地香春草輸贏須品第狂瀾傲
兀待舟梁幾人淹雅窮詩解不礙緇衣例采唐詩傳

以采唐等篇例作
友朋贈處立解

次當湖鮑桐石五十自壽韻

彈棊握槊間投壺朗月清風興不孤大杓分泉爰
社約幅巾攜杖道州圖舉頭天地同包括揮手蟲
魚任散殊若道此中饒註脚鴻鈞合舉示潛夫
叩擊無端任刺譏鼙鼓蓬藿暫相依箏絃不起歌
聲咽劍氣能令燭影微旭日初升未亭午壯遊方
始肯言歸慚余也近知非歲共擬琱戈挽夕暉

小集橙齋次東坡王定國送酒韻

驚心蒲柳髮先秋不敵春寒百結裘皓齒清歌回
一笑綠樽細燭散千憂世情舊嬾同整叟酒戶初
高抵徹侯臂踝不仁詩思弱擘窠還喜力舒鉤
自誇老氣尚橫秋窾兀千間萬丈裘久與周旋寧
作我思之爛熟肯同憂劇譚導引通禽戲度語瀾
翻破鵠侯未用佳人呵凍筆倩他紅袖學藏鈎

圓表送山藥次韻答之

莫怪狂言太不根詩書口腹總同原殘年投老雞
豚社坐位應推老圃尊

藥市曾沽千歲苓乳花勝雪滌羶腥筠筐包裹提
攜處風度依然憶九齡

見白五言詩
次青壇下卯元旦韻

土厚風清水一鄉琴簪襪禩自成行若逢熱客惟

長揖便遇豐年嬾乞漿自問胸中無愧怍不須身

外巧周防歸來好共團樂話折脚鐺邊豆莢香

林泉若箇是全人只算陳情早乞身過眼年華何

鼎鼎驚心物態已陳陳一雙芒屨無容借百衲襪

衫尚可紉底事吞他三斗醋故園梅子已生仁

弱鷓呼雞也有辭招攜鵝鷺浴方池雨晴蟻垤機

先動涼暖蜂房氣得知藥種已從千里致橙材未

用十年期賣錫節近催花信打鼓吹簫祝聖時

次韻答楚友

客舍無魚彈缺歌熱腸冷面笑誰何也知燕語鶯

啼巧其奈箕風畢雨多貞白三層堪嘯咏維摩十

笏嬾經過瓜田芋壠歸應晚問訊東陵有舊坡

題孟澤小像

鐵筴長攜不解吹無絃焦尾也相隨水風梧影依

然在辦取心聲語阿誰

楮面方瞳奕奕光隱囊書卷儘方羊却嫌怪僻驚
時俗不作懸壺賣藥裝

風酣日輭總熙怡忽凜嚴霜又一奇老眼摩挲區
別在可曾輕許蔡充兒

張子輕毫擅寫真吳郎斷句與傳神他年蕭寺相
逢處石甕茶烟話舊因

黃葉邨莊詩集卷六

黃葉邨莊詩集卷六

五

黃葉邨莊詩集卷六

黃葉邨莊詩集卷六

黃葉邨莊詩集卷六

黃葉邨莊詩集卷六

黃葉邨莊詩集卷六

黃葉邨莊詩集卷七

州泉吳之振 孟舉

圓表以詩留別再疊前韻答之

天都頂上探天根更向汾河問水源底用游山須

作記便饒脚力也稱尊

圓表步游黃山匝旬而返余近苦脚疾行不四五里便困憊不前矣

畚糞和泥種茯苓不須區別到羶腥送君戲作盧

仝語留得青山養伯齡

答漳州趙二火

次原韻

女陽亭子傍城河新柳毵毵有客過旋著春衫裁

白苧難尋去日挽凋戈殘燈古寺留碁簞今兩虛

黃葉邨莊詩集卷七

堂話茗柯卷壓牛腰誰拊當紛紛苦海正愁多

時

火有近詩之選

題友人小像

笑我伊唔老一經華顛如雪竟何成少年只合尋

裘馬底事攤書傍短檠

去年兩槩泊龍山午夜燒燈記叩關今日披圖相

對處軒渠狂論可躋攀

橙齋靜存軒聽雪作

天靜無風雲四垂雪花點點似跳珠木棉裘煖又

雙手正是雞寒上距時

次宗人志上初度韻

志上初度韻私忌作詩以代夢
義之咏有感於中故和此詩

齒豁頭童歎寂寥
慚無一善報
劬勞讀君初度詩
真好令我終身意
未銷葉落空庭聞
夜雨鐘鳴古寺撼
秋潮烏頭雙闕他年事
馴雉靈蛇尚可招

不羨金傳貽書院家課即事

次有原
姪韻

曉瞰林隙映窻紅
長幼襜如步履同
翫水不殊濠濮想
披襟真似舞雩風
游神萬仞馳天閱
揮手層雲落
穀中收斂文心歸
淡漠肯將穿鑿擬
雕龍濟川誰著祖
生鞭媿我顛毛一日
先探索不離章句學
精微還藉語言傳
堆盤魚菜寧求飽
壓架醅

黃葉邨莊詩集卷七

醅也鬪妍滅裂未蒙稽古力
自就餘習對殘編

書驛亭壁

紛紛榮落往來頻
蕉萃懽愉併一身
我似道傍官堠子
年年著眼看行人

次韻答臧喟亭舍人

不羨金甌貯姓名
滄洲重理舊詩盟
若同熱客攀躋上
肯向寒山勃窣行
團扇風清麾暑氣
瓦鐺茶熟話高情

時以茶
扇見惠

棟花吹盡黃梅雨
百舌無聲好聽鶯

鶯

戲題畫蘭便面

國士從來比國香只宜囀谷靜幽芳朱門攜去盛
筐篚俗客時來對酒漿此日伶俜憐小草幾年屈
曲誤迷陽當門鋤却渾閒事留取枯荑伴雪霜

次韻答崑山王甫瞻

炙燭相看倍眼明淡衣社裏早知名茶煎白乳同
迂癖刺挾青綾亦世情笑我華顛敬醉帽倩他纖
手擘新橙亂堆黃葉牢扃戶弗怪過從嬾送迎
謾道無涯却有涯爲招朗月寫襟懷著書只合求
吾好鼓瑟何緣與俗諧孰向橫流成砥柱即論跬
步有梯堦滄浪持律分諸體也及誠齋與簡齋

甫瞻

詩學尊唐貶宋
故未句戲及之

黃善部莊詩集卷七

次韻答錢唐馮文子

慰眼欣逢陳五經瀾翻舌本寫清冷攜囊蘸雪題
燕市擁幟高歌泛越舲尺素幾番詩跌宕布帆無
恙語丁寧不嫌麤糲過從慣爲鼓汾亭一曲聽
芳規接踵歎因循形影雖殊意自親翠幙朱絃成
獨響紅蓮綠水隔經旬能描摩詰詩中畫肯作江
西社裏人粧罷臺前問夫壻底須女伴話周諠

湘宰種蘭甚茂邀飲索詩

處處朱欄護篔紋偶過斗室更芳芬幾年茗椀還

同命三日香爐可待薰誰解孤絃翻白雪且攜並
蒂插烏雲輸羸春草癡兒女弗使薰猶得亂羣

飲開雍齋索題齋中建蘭

日日扶藜出看花西家爛醉到東家騷人底事相
區別國士何煩借齒牙不語臨風同衆草多情垂
露領秋葩清香寢微蘭兆玉藥還抽第幾芽

時開

雍有夢
蘭之兆

讀惠元龍詩

填青法盞出宮瓷廟后茶香水熟時石磴藤陰容
偃蹇一編細嚼惠郇詩

黃葉邨莊詩集卷七

四

張扶南郡丞攜酒黃葉邨莊同勞書升司

馬家青壇侍御分韻

語水東西判越江城郭盡處卓漁莊榻來鬪韻追
重九不礙提壺話夕陽幽澗晚花還的爍高樓橫
笛正淒涼更闌浮白饒公等小戶轟騰已醉鄉
射角銀河傍斗南蕭疎雲物客停驂風流裘帽餘
樽俎雜還觥籌入笑譚菜摘露芽調蜀豉飯流雲
子點吳柑拒霜幾樹紅欄外傍水依人色正酣

疊前韻贈張扶南郡丞

風度依然憶曲江經邱尋壑到溪莊却緣送酒過

彭澤肯為游山擬孟陽蟲語傍堦蘆管咽露華侵
坐芒衫涼打門近絕催租吏容我安眠泥睡鄉

辨晰毫芒得指南康莊緩策駕驚駘登壇底用三
升酒揮塵能傾一座譚白雪新聲翻淥水烏絲小

樣寫黃柑蘋鄉藥谷無人事也被恩私草木酣侯

學書法
俱妙絕

次友人游姑蘇韻

追隨眾妙入姑蘇星聚珠聯絕代無龜父文章挾
風雨虎兒筆墨寫模糊閒銷旅思尋歌板偶話前
塵記酒爐記與太冲晦木旦中用晦
噉餅於此已廿五年矣好擬韋郎雕五字弗

黃葉邨莊詩集卷七

今風雅落榛蕪

虎邱舟集用蘭亭讌集韻

聯翩畫舫集銜尾繫水濱勝事若有待雜然笑語
陳披衣幽興足命酒逸思均嗤彼微逐子交遊徒
貴新

良候慰登涉倚策楓葉林舉頭數歸鴉接翅入遠
岑橫笛激哀響隔溪有餘音夕陽呼渡去招手山
之陰

次寓虎邱僧舍韻

一望藤蘿石徑斜便區塵市入煙霞僧燒蔬筍能

留客我愛巉巖欲住家日暖尚遲霜後菊秋深重
試雨前茶牆頭可許過鄰醞為剖椰瓢當酒榼

次宿支硎梅丈山居韻

點點村墟散暮鴉漫尋牛矢覓人家不辭此日風
前酒來對他鄉雨後花側耳笙鏞呼白鶴舉頭星
斗盼銀槎山中宰相君應是也把臚傳向客誇

壁題

貴人
文字

次支硎曉發韻

江村牢落稻梁微斷續荒林抱釣碕殘月閣山螢
焰冷寒煙羃戶蔣花飛烏皮几穩高人卧鴨嘴船
輕估客歸躡屐明年休識路壁窠題字在柴扉

黃葉邨莊詩集卷七

六

夜泊榆亭

幾樹枯楊得繫船荻花漁火散寒煙十分秔稻不
歸去辜負臨溪二頃田

雙螯八跪腹填脂黃雀羣飛入網時漫浪出游成
大嚼莫言發興為尋詩

舟中口號次韻

載妓尋山趣可同蒲帆未許飽西風霜螯不治河
魚疾破帽茸裘吾欲東
拊當游人作隊迴扁舟好趁夕陽來沿溪小肆知

人意曲檻紅燈傍晚開

促坐投瓊小令拋朱顏玉藻安顛毛歌喉直似明

珠滑唱徹終宵調轉高

較書陳風色
藝俱絕倫

畫船秋水沒篙浚弔古憑闌一再臨載去五湖功

業在黃金難鑄美人心

黃葉次韻答查夏重黔中見懷之作

讀易閒工可織簾暫勞心力得相兼撫躬我已違
時好開口君應避俗嫌才士風懷原跌宕天涯詩
律益精嚴驅車弗歎棲棲者爲語前賢笑不黔

次惠元龍紅豆書屋圖韻

黃葉邨莊詩集卷七

七

周遭竹樹點紅亭依約倪迂水墨屏若道畫師嫌
語病眼前誰復解丹青

蠻童了了出應門載酒攜琴客過存劃斷市聲吹

不到幾家阡陌自成村

黃葉邨莊小市東招提略約也相同兩家畫卷相

區別輸我漣漪水百弓

齊女門邊秋水多十年兩槩幾經過披圖重憶聽

歌處其奈霜寒月落何

寒巖逗却一分春凜雪靈臺萬斛塵風雅忽成真

會合招邀同作卷中人

尋暢樓夜話次韻

詩家壁壘各縱橫，頰首羞爲城下盟。
重擔定須雙脊硬，昏衢誰繼一燈明。
眼前景物堪驅使，海內煙雲幾變更。
同據槁梧茶味永，起予正賴有諸生。

次青壇謁甫里先生祠韻

并序

魯望爲長興人，僦居甫里，作甫里先生及江湖散人傳，自言性狷急，遇事發作，輒不含忍。至怪松圖贊，復自擬怪魁胸中，魄壘憤懣之氣，無所宣洩，而寓之於辭，亦如嵇阮之徒，有託而逃焉者也。嘗

黃葉都莊詩集卷七

以高士召不至，李蔚盧攜素與善，及當國，召拜左拾遺，詔方下，魯望已卒。皮襲美爲蘇州從事，與相倡和不聞。陸爲郡從事也。皮詩格去陸遠甚，而酬和特夥。詎亦以當事相壓耶？襲美陷黃巢，爲翰林學士。唐史載其事。陸放翁老學菴筆記爲辨白甚詳。

笠澤風流在，荒祠廟貌新。
人情區毀譽，吾道有亨屯。
溪藻誰爲薦，山花不待紉。
一甌澆茗飲，所得在

清醕

百里吳淞近非關道路窮未能祛俗累底事覲高
風怪石蟠松幹名泉遞水筒紛綸盧與李一笑等
沙蟲

倡和從皮陸松陵勝事存低徊鴻可篡狡獪鴨能
言瑰麗持文格支離見性根通家能雪謗筆記述
聞孫

次韻酬嚴止峰

撩天鼻孔詫虛名雞柵牛欄見典型麤糲正逢鮭
菜賤鬚眉能寫海山青種蔬荒圃晴還雨養疾虛
堂醉復醒折得松枝重舉似枯桐未闕為君停

黃葉都莊詩集卷七

九

魯山支派幾雲仍未絕風流子獨能漫道蘭亭堪
換骨且依馬埒自分朋任人罵取風魔漢老我真
為粥飯僧此日襍材誰辦當十年辜負剡溪藤

墨竹學魯魯山近似流入武林派故此首及之

題綺崖師像

七十年華鬢未斑畫師底事寫巉巖五禽妙技無
多子只在耽書靜坐間
兒時函丈日追隨逃學書堂學鬪碁畫裏執經誰
辨難還應貌我雪綬綬

百里題繡餘殘稿後

凹硯磨殘墨半規錦囊冰霧怨秦絲蘸來藥汁題
魚繭燭跋香銷綴此詞春風賦出遊要外間事

此日詞壇孰占先掃眉才子本翩翩齒牙漫道相
推許未必香閨要護前

佛香半篆誦金剛梨棗堆盤屬小郎
先嫂沈宜人即隆九祖姑也彈

指烟雲三世事曾孫生子已扶牀

家世流傳住相州
即趙忠定公生賢里桑畦麥壠繞溪流四婆

六甲猶輸失
用楊朴處士及義山襄師詩語井臼操持到白頭

次黃葉邨莊茶話韻

贊公來杖錫巖壑益清幽但喜山遮眼何妨屋打

黃葉邨莊詩集卷七

頭榜題真樂國人詫小瀛洲黃葉埋雙膝屠蘇老

一邱

一人持一藝方類各相從
座中皆擅書畫篆刻之技艾作三年蓄

匏堪五石容曩時愁月落此地快萍逢斷絕聲聞

外誰攜六尺筇

次石芝亭韻

守雌舍垢學蒙莊產得神芝寶夜光
句曲第四芝寫夜光芝吹

笛江城還戀酒桃花不換九霞觴

花枝葱蒨柳絲柔長閉春風嬾出遊要作問津劉

子驥殺雞為黍更何求

身落黃州夢已非滄浪亭上一披衣不須位置分
章蔡若有南園便合歸

香山高會老人星次第官階算鶴齡紅粉丹砂成
大藥引年何用笈稀苓

次韻送徐顥若廣文之官處州

木落紅亭夕照翻聊將尊酒挽離顏一官底事因
人熱十載真同作客閒雙鶴漣漪吹霧縠九姑攢
簇露烟鬟籃輿只算尋詩去未用移文誚北山
咫尺梯堦孰可捫謾言九虎扞天門凌雲作賦心
猶壯炙燭細書日未昏莫笑凝塵堆敗絮也須留

黃葉莊詩集卷上

十一

客薦芳蓀藕花葑葉裙腰路還記臨溪釣石温

次韻贈陽羨陳鳴遠

余許鳴遠詩
已二十年矣

廿年通縞紵索句苦雷同偶讀新詩好因思舊製
工雕鏤無俗氣烹滌挹清風巧取兼豪奪唾余心
尚童

次韻酬常州鄭宣成

經旬踏遍浙西東無計隨君十幅篷爲說好山如
黛綠肯將老眼犯塵紅作家畫本須尋路立部琴
聲笈未工喚起雙鷗還痛飲相攜位置古人中

送靜遠之官陳留

翩翩墨綬綰銅章百里分符屬望郎若對好花應
命酒弗令圖畫進姚黃
涪翁惆悵荔枝紅白髮蕭騷意趣同難學老僧翻
著襪百年麤糲媿茅容
軒轅寶籙秘千春澗下纍纍白石新煉得黃金成
底事丹爐還對葛夫人

吾事乞取河陽第一花
廿載西疇學種瓜嘉蔬苦苣互根芽翻堦紅藥非
百弓城曲地借此散羈幽水減么荷出風清宿霧
次韻送鑿微上人入山

黃華邱莊詩集卷七

七

收怒毫崖石斷絮語繭絲抽日說林泉好如何便
掉頭

竹牀容偃蹇茗椀儘盤桓莫倚披衣慣翻愁作客
難溪山吾自得詩卷俗爭看息壤鷗盟在心期未
許寒

次韻送學人汪虞輯歸新安

食報羸餘在研田笑余作繭未成絲少年好趣長
風去莫學灘頭逆水船
一逕桐陰暗綠莎虛堂今雨少人過十年河渚琴
聲絕老屋商聲發嘯歌

經旬夏潦漲方塘
懶廢鉏耰草樹荒
手熟銅爐澆茗椀
源頭活水與君嘗

千頃白雲萬樹松
風煙騰蹕化蒼龍
君歸重說黃山好
今我山遊興轉濃

次止峰橙齋小集韻

饁頭長卧去不復
見高濂偶爾懷畸士
悠然寫素琴
愛晴花自舞
惜別酒頻斟
屐齒過從慣
還來話此心

麥穗登場候桐華
覆瓦時未能指俗累
聊與賦新詩
脚氣吾猶劇
羈愁爾獨知
不來飛酒箴
何以慰

幽期

次韻送范廣文性孚之官天台

君不見浙西社事集
名勝蜂窠蟻垤分
門徑變滅煙雲頃
刻間無異危欄攀
曲磴士衡譚笑獨
登峰把袂牽裾嵇呂同

謂要若用晦

高堂行炙燒銀燭
哀絲急

管歌玲瓏余髮未
燥駒脫齒曳履長
吟亦來此清酒三
升壓座賢筵雜
逖識君始語兒溪
畔歷危亭及山脚
下尋遺址
擗旗擘鼓捧珠盤
大言轉眼掇青紫
口燥脣乾行路難
射虎歸來數箭瘢
乘車戴笠人何在
潑悔當年出肺肝
求田且問桑麻計

蝸廬蟹舍恣盤桓方麩障塵洗袍袴鯽魚江上紛
無數鹽齏百甕走蠹魚我已白頭君遲暮一官入
手弗嫌貪巧黠應知勝樸真羊蹴蔬園遺社肉闌
干首萑愁空樽君行若向清溪道定有高人把釣
綸

沈宿東蔡友蘇兩廣文遺泮池荷花次韻

賦謝

槐陰夕照隱紅牆書賈船移水榭涼好待夜深花
氣靜獨攜碁簞領甌香

莫言官舍冷於水梨粟堆盤間芰菱一迳荷風披

黃葉邨詩集卷七

古

拂去不容几案集青蠅

食蓮曾感豫章詩清濁紛綸彙一坻種類正須區
別在爲嘗甘苦早秋時

平山高宴酒波紅折得荷花日正中

歐陽文忠公宴平山堂每至邵伯埭

折荷千枝分送座客

吾輩清吟真冷淡碧筒今合作詩筒

以蘋婆果佛手柑貽書升登前韻

對面煙雲似隔牆白衣蒼狗變炎涼抽身且向雞
豚社飽喫家園麥飯香

書法誰能紹李冰屈家誤薦紫花菱筠筐未敢親
題寫瑟縮臨池笑凍蠅

跳珠急雨正催詩上下蜻蜓點淺坻且檢殘編驚
小陸喜無熟客溷當時

芳鮮不趁荔枝紅品第酸梨也下中從此松陵佳
話在好將珍果伴詩筒

送鄭司直先生巡撫偏沅次韻

聖主臨軒舉直臣廿年鈞黨一翻新逢時正合行
吾道報國還應重此身遠地音書仍欸曲分岐笑
語總清真谿山歷歷丹青在記取西湖共采蓴

茅宇旌麾幾度臨通家末座最知深雀鬼紫翠瞻

山色寒碧縈回見水心卷拂晴窓如覲面

承賜教朱子學歸

琴調孤韻想披襟明年若鼓湘潭棹定把吳歛變

楚吟

平衷送建蘭三疊前韻

熏穴糊窓并窒牆春宜暄暖夏宜涼種花幾許辛
勤事贏得蕭齋十日香

華堂斫繪縷銀冰重倩織織剝芡菱今歲梅天愁
擁絮纔完彈蝨復憎蠅

同心箋寫合歡詩翡翠鴛鴦共一坻倦倚繡床人
未起烏雲斜插半開時

兒童隊裏鬪青紅老去情懷要折中近以血衰踈

建焙復綠胃熱戒郵筒

聞蟬次書升韻

夏蟬不停聲聒耳喧塵境秋蟬鳴悽愴聲與愁俱
永而我最憐渠老樹叫孤影汗濁喘寒號強武遜
怒黽物情牽游思呼童具舡艇出門任所之幽意
吾自領蒹葭秋水明落日溪山靜潑刺觸笳管述
邀踏機穽類彼膠攘徒昏衢燭誰秉勞佚真靜者
放懷絕町眈近哦百篇詩橫拓邊幅窘靈汜朝華
披風歎寒籟隕空山振鸞嘯雅音正龍筍長慶得
古澹石湖兼淡靚竭來廣座間聽蟬發清燥蟬聲
閱古今過耳寧復省如坐洪爐中灌以冰雪冷復
如大熱時修綆汲寒井感歎成和章迫促愁畏景
揮汗書一通字畫半斜整

題李壽像

質管千箇靜無塵髻也蕭然果軼羣為語畫師多
抹却形骸脫盡見天真
從來富貴總癡肥何事神清貌亦癯我亦要圖丘
壑相青銅慚愧白髭鬚

次灌花韻

築圃西郭西計工宜早起赤脚偕長鬚森然百餘

指督促煩老妻亦復課兒子東陵徒自豪橐馳差
足擬編蓬十笏強縛牀不盈咫尺大石支雙扉結夏
今日始地荒翻磧確藥種護鬚蓋朝涼勤糞溉薄
暮勞未已自取生意足空復艷紅紫雞黍招我儔
瓦盆潑浮蟻酒酣短筵橫歌聲亦旖旎聽者不須
解解在个中矣下不學嵇阮上不慕黃綺一卷種
樹書瀾翻羅妙理枯媵龍骨乾破屋鏤頭倚弗忘
弗助長其義本乎此

海螺盃歌次韻

去年有客來南海遺我海族紛可駭車螯捧劍何

黃善補詩集卷七

七

槎牙細碎水蛭兼石蟹更詫蕃錦如旋螺織組鸞
鳳間竈蠶今日見君螺盃歌晴窓卒讀感慨多干
戈殺伐森天網四海英雄爭攫攫亂後空堂少燕
飛春殘荒壠無人饗宣和秘玩落江南睿思小印
珠斑斑廷珪香劑古松段郭熙蘆鳥秋水灣趙家
龍種天日表間向圖書恣探討詔覓梳頭內裏人
文犀壽帶窮彝島宋高孝兩宗故實蘭亭真帖久荒唐夜雨
冬青泣石羊羅衣寶靨吹塵土玉椀金魚供上邦
羽書如電催郵騎不上官家上大吏八尺珊瑚徑
寸珠纖纖伴捧夔龍觥一朝失勢走趨射虎將

軍逢醉尉富貴莫忘貧賤初酌君之酒瑀君鬚朝
為虎豹暮為狗金閨籍上名姓除紛紛官埃歸丹
旄鼎鼎雙丸歎白駒君不見農家父子相爾汝但
有歡呼少悲楚西疇稻熟早輸倉催租底用煩官
府百年盛酒老瓦盆醉倒扶歸不知所

次韻送許氏昆季之官

鷺鳥凌長空舉翮風雲俱鷦鷯安枳棘志趣不同
符執戟非吾願出處長躊躇許氏賢伯仲雄才為
世須司會列九賦權衡粟與芻今以剖粒餌獲此
盈車魚送君一尊酒執手盡區區九折不敗軫蹶
步在康衢卑辭復屏息寧學志與蜍幸托骨肉親
弗嫌言語踈

題水墨紫薇便面

種菜西疇閱歲華鋤頭六尺餞生涯金閨執戟非
吾事只合微吟對此花
染月烘雲意未窮羞將粉黛寫花容東皇不敢誇
顏色併入臨池慘淡中

寄贈劉毅可

劉善鼓琴擊劍
屬鑿公乞詩

朝起課阿段汲井灌園蔬籬角烏帽窺惠然湯休
徒舊雨記夏初今過已秋杪握手笑發狂寒暄殊

草草平頭出綸素一一羅瑤華且當理盥饋未及
計茶瓜羅縷紙兩番云是劉侯札曾讀黃葉詩膠
漆早融洽昔人嗜昌歎不分鹹與酸女貌無妍媸
目悅心所憐贈卷壓牛腰中列曾與魏青藜
叔子觀人
視所與歎賞良不偽藏弃古印章字刻髯丈人不
惜倒庋贈髯也果軼羣百里隔風濤與髯未識面
贊公向余說十日得相見相見定開筵君當具纏
頭小鬟善鼓琴銀燭明清眸載拜曹子桓盡當棄
故技秦聲雜楚聲抽繭得妙緒酒酣拔劍舞月白
霜露稀燭跋歌未闕西風吹客衣話別出門去門

前語溪路指點黃葉村夕陽照枯樹

黃葉村詩集卷七

九

祝載臣母夫人

時畜雞豚澤種魚于株橘柚繞幽居紡車不廢三
冬課丙夜篝燈伴讀書

劫火沈灰剩此身江鄉殘臘歲華新只看此日稱
觴者疆半浚衣社裏人

翟第雕軒炫里閭百年遺恨在牽裾朝來行散茅
檐底不要安仁奉板輿

藝苑騷壇借齒牙牽連尺幅總名家吳歛也入笙
歌調底用箋詩補白華

次友蘇立春韻

那得攤書照眼明百年辜負短長檠驅車策馬了
人事飲酒哦詩亦世情殘厯怕看聊檢點名泉遠
餉且煎烹蒙餉半月泉梅花欲動東風急試手高樓第一
聲

沿革年來禁例明山亭不復見高檠晴簷擁絮衰
翁態矮盒攢花小婦情九九消寒慚麗句紛紛魄
歲欠華烹勒回春意知何處憑藉兒童爆竹聲

曹樸園新居落成次韻

鼓鐘籩豆盛威儀揚鱣初筵雜頌規莫以庭堦難

黃葉邨莊詩集卷七

三

旋馬要今儉德子孫師

斗大城如尺五天烏衣馬糞總相連

金昆玉友所居都在城東一帶蘭

錡不改槐陰古槩戟畧愚是舊傳

雉堞周遭帶女蘿蠟屐詩板待鐫磨衰狂倘許過

從慣清簾踈簾話茗柯

傍水軒窓逐處開沿堤跛馬幾低徊誰知短後輕

裝隊尚有褒衣入座來

謂正則今叔

入車雪夜同書升青壇橙齋小集次韻

瀾翻世事一摩圍坏戶寒蟲也息機招得酒徒來

痛飲拘人禮法計全非

餅餠紅綾勝事傳玉堂儼直徹金蓮也來共此茅
檐話粥滑錫香似社前

玉山未飲已先頽懷抱今朝為子開駱馬楊枝都
摒當雙荷闌入小詩來

齏鹽冷淡笑吾儕少長團樂此夕偕壓雪蕪菁堪
大嚼不煩持受八關齋

次仁山叔見贈韻

蕩槩菰蘆葉落時蕭騷風味却相宜推排時輩翁
猶健啗點前賢我不辭帶水遠同千里道殘更剛
和一篇詩月泉舊社荒壇坵歲晚水霜共護持

黃葉邨莊詩集卷一

三

景夏邀飲樸園登前韻

牽率狂夫縛禮儀便當方麩障元規只知梅熟還
同喫不用擎拳向阿師

排日招邀趁好天花朝上已鎮相連張軍阿買波
瀾濶脫手新詩萬口傳

青壇詩
早成

絡石縈林蔽綠蘿窺人妝鏡待新磨登臨尚覺雲
山礙欲向仙人借斧柯

酒社文壇幾度開每題詩處一徘徊歲寒亭上周
遭樹曾識松圓處士來

婁江程孟陽曾
寓某簞於此

次鹿牀題姑蘇張氏泛月樓韻來共此

繁華盛矣會徵逐念疇昔咿啞柔櫓聲經過越阡
陌彈指勝事空春風吹燕麥冠蓋沒短蒿輿皂舛
高憤張公老眼明種德如濬澤嗤彼障籠兒胸次
一錢窄築樓丙舍旁夕陽秋水碧周遭軒榭縈締
構意轉劇欹欹黃葉老披襟幸未隔何時一樽酒
笑言永朝夕

過語溪覓疊石拒越處不得

小試題代
學人作

金精炎炎銷石髓苔滑寒陂酸屐齒癡龍守戶醉
不醒靈巖洞壑開青紫老桂蟠峯護講堂還是當
年舊官址竹風蕉雨響空廊彷彿笙歌簷外起布

黃真乃詩集卷七

三

飄十幅挂西風百里官塘語溪水昏鴉點點歸虛
村醪酒繫船枯樹根憑欄弔古夕陽沒荒烟鬼火
搖精魂人言此地界吳越疊石周遭號石門麗譙
井幹杳何所女牆雉堞無一存感慨興亡浮大白
無端棖觸來胸膈紀目坡前好種瓜由拳城外看
收麥漫滅蟲書斷甃磚獸面弩牙土花碧牧童拾
得相詫問藏弄蕭齋伴書格宛轉西施白玉床綺
䟽夜靜流螢光珠盤醜血凌上國黃池高會誇雄
強梧桐秋冷蟋蟀怨中宵噩夢悲傍惶家國有忠
兼有佞員也未誅詬也進纍囚怨楚昔同仇恃寵

爭妍死不休脫今廟算無遺策
深宮燕好終無尤
黃金鑄蠡亦何益
吳固失矣越未得
轉眼六王恣
併吞甌閩七十二
小國自古興亡合
有時弗將罪
案歸蛾眉女
陽亭上垂垂柳
歲歲春風恨
別離

花朝後三日景略招集玉蘭下再用樸園

移居韻

初茁蘭芽解禮儀
中單錯繡玉雙規
阿翁他日分

經學可許匡衡作導師

出見令孫
已露頭角

繞廬老樹勢參天
壓架奇書與屋連
藏弃石齋真

蹟在不緣書法也流傳

景略藏黃石齋先生手蹟甚駁石齋書
法不入中品獄中所寫孝經道緊整肅

黃集忠莊詩集卷七

三

忠孝之氣鬱然真
天地間至寶也

荒墳寒碣隱藤蘿
海內才人半折磨
吾輩經過能
幾度十年定見出牆柯

如鐵雙扉喚不開
追隨詩老得徘徊
茶香酒冽谿
堂靜不是花時也合來

立夏日次青壇韻送書升北行

寸筵何當發大音
每來鸞嘯伴猿吟

兩年詩次書
升韻者居半圍

爐聽雪簷牙折倚石
哦松屐齒侵老去
自知歡趣
減春歸更覺別情
淩臨分不唱刀環
曲急調高張

爲鼓琴

戲次苦雨韻

長晝愁霖無計銷一盃卯酒暈春潮近盛簷溜諳
奴嬾亂插山花笑婢嬌木榻高眠聽鳥語石梁閒
倚看魚跳築堤捍水非吾事也要開滕救藥苗

邨莊木樨將殘香氣未散邀素心諸友小

飲次座友韻

種菜西疇餞此生時招閒客此閒行花尋晚種香
逾好話到忘機恣自迎白鳥入秋猶跋扈舜華當
午歷枯榮雄心強半消磨在底事看雲一輟耕

壽汪母吳孺人

黃葉邨莊詩集卷七

五

曾哦壽句祝初筵犇駛雙丸已十年盤匱總瞻閨
壺德詩書益見子孫賢篆香佛火知龍護暖日萱
花有鹿眠風節延陵千古在烏頭相望兩歸然

吾家

舊譜新安一支亦自州泉遷去

壽高澹人學士

藏弃巾箱菊澗詩

寄菊圃集補入宋詩鈔中

幾回把讀想風儀高

懷自愛林泉勝

聖主難違猿鶴期隻手撐持當

世重苦心調劑少人知畫屏致語瀾翻甚闌入邨

農祝報詞

次洋瓜韻

蠶窟蛟宮媿遠將開緘未許惡賓嘗茶瓜肯共齋
厨飯矮屋甌香煮綠洋

星河迢遞斷銀槎

織女星
主瓜果

綠蒂黃花事已賒
蠹穴不

留居士屨海門合種故俟瓜

羊酥牛酪壓江南
食譜誰將異味添
新語流傳多

謬誤尊羹底用點吳鹽

贈匡廬心壁上人

超淵

連旬作惡坐藜牀
藥裹詩籤伴隱囊
笑我舌頭乾
挂壁不將文字對支郎

贈星士

黃葉邨莊詩集卷七

五

斗柄闌干箕口張
浮沈渾似觸藩羊
鬢毛蕭颯親
銅鑪書卷闌珊傍
紙窓我已低心同
糞草君猶高
譽比鸞鳳江湖不少
魚羹飯底事成都
八百桑

讀壁上人游雁蕩詩次介山韻贈之

登涉資籃輦襪被難
草草既乏濟勝具
浪說看山
好低頭坐甕牖自
少壯而老閒居後
臥遊東綰溢
懷抱雲樹墓董巨
峰嶼寫全浩舳艫
染湘江驢馱
貌蜀道兵燹類轉
環烏能計壽夭
舉舉銳頭郎
白業升堂早瓶拂
記所經披衣都
絕倒貽我雁蕩
詩開緘恣探討
朗月照疎桐
淡溪漾寒藻
蔬筍盡屏

除迅如落葉埽濃鮮出淡泊勾萌茁枯槁晴窓豁
雙眼宿疾蠲煩惱我詩不足存君其爲削藁

次道原刻近詩韻

紛紛惡習災梨棗齒冷於今尚不禁玉軸牙籤終
割棄塵煤蛛網得幽尋千秋論斷誰知已一字推
敲見賞音自媿新詩多漫興衰殘難鍊五更心

道耕六十初度疊四十時韻寄之

不堪相對鬢毛蒼湖海襟期斗石量莫以功名成
馬角也知艱阻歷羊腸筭余種菜無他術羨爾傳
經有義方彈指百年同一映前塵欲話已茫茫

次青壇庚午除夕韻

十旬九支牀藥裹錢殘臘熊經力未勝烏吻性難
合窪閉虎踞關暴下舟脫閘熬凍厭錫黏滄汁罷
羹蹊更兼三日雪滕六肆騰踏窺簾欺敗帷透瓦
積塵榻檣踈射尖風繁短逗寒燿守歲集翁媪晴
雨遞酬答或云兆稜祥伏陽氣龐雜饑饉先村墟
災沴遍都邑或云土芒神禿頂提雙鞞占書載記
詳此段劇酸悝仁人用意殊未可常步跋嗤彼饕
餮徒堆堞朝暮溢示我除夕詩終篇語噉沓雖斥
田野間民瘼計周匝當亡念直臣疏草諫蚶蛤旦

晚 詔書下兒童走喧踴且復事春遊梨棗釘蠻
榼花溪盪畫船歌院披舊衲弗用苦著書枉智鬪
捍闔公叔既墮坑子雲亦投閣何如雞窠老事事
甘頽颯畫被成和章捃捃詭施蠟

次青壇辛未元旦韻

老人斂歲心暗驚銅龍滴歷時一鳴朝暎射隙光
閃耀斷水流瓦聲鏗琤擁絮堅卧得搜句游神六
合窮荒溟臍中閉潮嬾夜起強呼赤脚提瓶罌經
旬鍛鍊欠慰貼傾筐倒度無時停晴窻開緘豁病
眼竭來高唱砰春霆聲牙硬語艱卒讀璨璨珠璧
聯日星不緣工詩厭塵網胡爲解組棲巖扃馳道
敗車愁炙輶當食執手思懲羹腐儒訓詁課冬學
兩家子弟能趨庭昂霄聳壑爾儕事勢拔千丈萌
寸莖少年失學如失路身墮雲霧遭狂醒登堂拜
跪羞老醜隻雞斗酒親提擎榜門紅箋斷生客過
末封胡總弟兄

人日

世與君平屬兩忘題詩誰復話江鄉村農握粟來
占歲溪女提魚出乞漿赤脚芒神仍故態華顛老
子正逢場梅花抑勒西風惡欲訴東皇爲主張

青壇貽風鰓

蘋鄉風物重盤殮絕少分甘見歲寒每得鰓魚遲
永叔苦無佳句餉都官

再次風鰓韻

飽食重裘未敢安悠悠薄俗笑酸寒蕘魚半片盛

筐篚遺事東華載史官

西涯執政時同鄉小葦缺賀禮檢廚中
得刺卷伴一詩致之當時不以為怪也

和詩及灤鰓三疊前韻

當年風雪旅長安灤鰓萊雞錢歲寒却笑詩人宋

觀察侈豪例合作麤官

過宋荔裳先生寓見驪駒疊香紫載海
瀕珍錯貽京中親知分惠萊雞灤鰓

之屬亦得飽
暖長寒舉也

黃葉邨詩集卷七

天

青壇以止貽一尾有誚少之意四疊前韻

答之

屑玉霏珠字字安好將冷淡敵風寒飽嘗寸鬻家

鄉味肯博閒曹費太官

十日雪次韻

十日總陰霏雲封白板扉也思蘇病骨翻覺肆寒

威墮粉留妝鏡殘囊戀舞衣當風呈素質待月鬪

清暉擁鼻髭還斷蒙頭髮未晞陽春聲續奏萼綠

信全希謝院仍飄絮梁園有剌輝三農愁積沴五

出兆生機蔬壓羊虛蹴冰堅鰓養肥茶煙紫矮屋

檣影閣荒磯煮藥重支竈遮蘭更補幃老懷甘寂
寞逸興仵芬菲蹇衛探梅去偏提貰酒歸茅柴浮
大白不用玉卮揮

次有原除夕韻

掩關何事動經旬衰病支離實怕春歲晚定希雙
屐到更闌尚有短檠親每看智士方營圃若見愚
公願卜鄰逐伴兒童成一笑癡猷論擔未全貧

風光相隔幾由旬未放梅花不算春屏却阿奴同
絡秀招來無著伴天親長鑱土軟尋幽徑破院霜
清絕四鄰相對愧無些子贈聞時富貴見時貧

青壇

不喜禪悅余實有單丁
住山之願非戲語也

黃葉邨莊詩集卷上

元

次韻東青壇并寄芥舟

慰藉羣賢在無勞歎索居茶瓜頻檢點農圃足乘
除山氣晴還斂花情煖漸舒青綾三百束漫滅子
公書

巷陌過從慣冰霜話歲寒舉頭時序改跬步道途
難折餅譌牢九提魚識繪殘深慚表伯業病眼把
書看

次芹菜韻

長鑱雪後劓江干細剝春芹巧簇盤三寸冰芽難

比似織織素手出中單

竈婢麤於食譜請衰年
養脈藉薑鹽休嫌放箸饒
辛辣齒頰輸他味外甜

賡虞二弟向不作詩新春忽示一章殊有

真趣與泛泛吟咏者迥別喜甚再疊元

韻贈之

牛神蛇鬼幾波旬
淡泊門風轉益親
陋巷自堆三尺雪
靈臺已逗一分春
休誇老去才無敵
何意當前德有鄰
靜者定留真性在
工詩從此不須貧

友人索次灣字韻

黃葉邨詩集卷七

三

竹樹千株水一灣
編籬補屋幾曾閒
蒲葵嬾學東西晉
藁桂分栽大小山
放眼定過青嶂外
尋詩只在綠波間
狂夫自愛幽居好
不用知名況往還

顧甥田仲喜學書乞予行草刺促未果今

游天津起居其從兄粟巖侍御於其行

也書此錢之

書法未應輕野鷺
臨摹勝處轉多姿
因君縛約風前柳
媿我衰殘雪後枝
驛路好隨鴻雁序
津亭仍賦鵲鴿詩
魚蝦入市春燈亂
還記樓船夜泊時

送少逸

幾載不相見相看倍黯然
人情憐舊雨天氣入新年
白髮殘燈裏清樽古驛前
計程翻日記重為老

夫傳

以尋暢樓冊
行日記贈之

題閨秀查惜小像

人情方迫促世路復巉岼
不意閨中手能歌行路
難

見所著吟
香閣集中

危絃驚別鵠促柱奏荷蘭
我亦棲棲者

披圖載拜看

送方岱瞻北行

風和日暝好驅馳
祿養應於少壯時
臨水正逢修
稷日登樓恰賦送
行詩
士元展足宜專閫
公孝泥

黃葉都莊詩集卷一

三

車伕一麾騾裹過都同躡
電綠楊影裏錢鞭絲

嚴存庵宗伯招同陳丙齋
官庶游苕溪丙

齋以詩見約次韻答之

晴雨評量一笑譁
朝占蟻垤暮占鴉
蔬秤土潤拋
龍骨巘脚苔封迸
虎牙斷簡我應鈔
非戶軟紅君
合夢東華如何泉
石真成癖不泛崑
崙貫月槎

屋角長檠吐燭花
摩挲眼力十分賒
乍驚書法垂
銀露卒讀詩篇麗
彩霞百斛定饒桑
落酒一旗剛
試雨前茶作書為
報嚴夫子墨瀟魚
鱗六六斜

再疊前韻寄存菴

菰蘆深處靜無譁柔櫓波心蕩
軋鴉碧嶂迎船開
病眼銀刀入饜豁殘牙藜篁壞壁
幕毫素寒甃銅
瓶汲井華不到茗溪今十載
重尋昔夢一乘槎
早春招我共看花更許踈狂禮法
賒已遣宦情逃
麴蘖自應詩格到煙霞寄示尺五堂集
種成梓澤千頭橘拋
却蓬山八餅茶好約騎鯨東海客謂丙齋
綸竿篋笠
任橫斜

種梅

江梅幾樹種東牆凍壓遲開也不妨
雨打風吹緣底事不容細藥略商量

黃荊補註詩集卷七

三

次落花游魚畫扇韻

岌業龍門折角過漫言赤鯁撼狂波
年來怕殺風濤險白小盆池看擲梭

紅愁粉怨墮縱橫我欲臨池爲寫生
輸與游魚真愛惜泳芳吹沫却多情

介山游洞庭歸過橙齋疊還字韻見贈即

席奉答

十載郵筒記往還今朝杖履得躋攀
人來萬壑千巖裏詩在三唐兩宋間
數遍藏書推拂水偶思快友話橫山

皆座中語

瀾翻幾換輸贏局袖手應誇我輩

閒

留介山不得叠前韻

留君不住送君還
搖颺歸心未許攀
為問低頭華屋處
何如伸脚北窻間
珍珠泉活攜茶具
甘露菴新博研山
鄭重貞居張外史
梅花堆裏識閒閒

來詩及歌伎三叠前韻

永豐坊裏餞春還
盡日依依尚可攀
已忘尊前和扇底
漫誇天上與人間
嗔他洛下劉公幹
愁絕江南庾子山
踏踏自歌還自拍
藍衫換却舞衣閒

題曹子清工部棟亭圖

黃華詠詩集卷七

畫舫聽歌記夜分
深盃絮語藹春雲
兩晤尊公於香閣譚飲甚暢文

章重見波瀾潤驪裹
行空更不羣

棟子酸辛棟葉濃
棟花開處餞春風
追涼大好茅

亭坐強半尋詩到此中

司馬傳書稱今德
書升容臺屈指數奇才
伊在條桑樹

底親提唱更向橫塘勘
驗來星期

牆東紅杏色芳敷
老桂梢雲不待扶
手澤幾年都

剪伐那堪重對棟亭圖

冊中查老詩書畫
三絕今堪比鄭虔
紫鳳天吳顛

倒在裝潢好手為重編

夏至日雨霽

次韻

麥秋已過任漂淪戴笠腰鎌媿此身莫厭雨多思
稍霽漫言夏淺却勝春病餘未合投詩社泥滑時
來乞藥人水檻平添四五尺正堪趺坐學垂綸

疊昌黎韻答借山上人

近代盛詩家瀾翻各機軸引之就翦裁顏赭意棖
觸行卷每叩門高度不敢讀偶爾嘗寸嚮失笑到
捧腹妄解耳成三微知鷓退六學語辨唐宋踞坐
稱老宿鈍根守舊蹊巧徑誇捷足褰旗氣蹶張當
敵勢瑟縮往時蓮社徒高下相齒錄曾數借山詩
不點俗人目披衣尋菽蘆把臂快所欲青藤白羽
扇雲中下雙鷓啣我類寒號答句窘邊幅

題查夏重蘆塘放鴨圖

十丈京塵樸面吹黃金絡馬待朝時畫圖點染爭
題句誰是煙波踏浪兒
蘆塘放鴨查夏重藥圃澆蔬吳竹洲閒對溪山成
一笑人嫌邨殺却風流

謝靜遠寄銀酒錢

知交老去漸無鄰藥裹燼爐錢病身已分銅章踈
白髮搗來銀錢照青春哦詩花下饒新句結襪尊

前有故人

謂已畦先生

我與梅花同寂寞江城難寄一枝

新

次韻答寒泉老人

塵事苦束縛未肯安肥癡緬懷山中人昔昔夢見
之餅鉢偶過從候門惟恐遲亭午脫苾衫高譚日
落時語語出枯澹我獨驚瓌竒橫經既折角說詩
能解頤如踞泰華巔俯視培塿卑外間殊不爾悠
悠復語誰何當渡錢塘方船秋水移願為雲與龍
上下無相離

寒泉復寄二詩次韻答之

黃葉邨莊詩集卷一

三

亂頭麤服儘蕭疎要挽頽風返太初朱雀航前曾
挂笠白牛賦外未成書世情自與年俱減道韻偏
於我獨殊何日拏舟尋惠子披衣濠上共觀魚
去年大雪壓襄橙枯樹槎牙草滿庭脫履虛堂剛
十笏淪湯環餅得千層鈍根茗帚機誰辦硬脊枕
椰力尚能木落斜陽行脚去可容添我打包僧

疊寒泉韻柬介山并寄鑒公

事事年來歎濶踈總緣豪氣不如初未堪拜跪聊
支戶難免譏彈怕著書獨笑每嗤吳語病衆咻今
竟楚音殊

殊字出韻寒泉楚人故感及之

多君雙鯉勤郵評今我真成

嬾婦魚

不餽酸甜霜後橙漫勞宣紙榻黃庭近於俗學知
三變尚較前賢隔一層研北墨香吾衍在江南春
好惠崇能眼中落落誰堪語不意衰年得此僧

山水咄咄直逼華亭戲作花草亦漸入白陽之
室至篆學當讓兼山一頭地介山以為然否

次公遷如圃韻

聞于屋隙架精廬點染應逾野老居日暖陽坡堪
種木風涼北牖正攤書嗤余偃蹇如蓬累藉子過
從慰駟虛解得桔槔機械在不辭抱甕理殘蔬

畫扇送呂臨北行

黃華郭莊詩集卷七

三六

女陽亭畔青青草把酒送君離思多京洛故人如
見問為言鬚鬢兩婆娑

黃葉邨莊詩集卷七

不與雙柑鬚鬢對
三變尚較前賢隔
好惠崇能眼中落落誰堪語
不意衰年得此僧
山水咄咄直逼華亭戲作花草亦漸入白陽之室至篆學當讓兼山一頭地介山以為然否
次公遷如圃韻
聞于屋隙架精廬點染應逾野老居日暖陽坡堪種木風涼北牖正攤書嗤余偃蹇如蓬累藉子過從慰駟虛解得桔槔機械在不辭抱甕理殘蔬
畫扇送呂臨北行
黃華郭莊詩集卷七
女陽亭畔青青草把酒送君離思多京洛故人如見問為言鬚鬢兩婆娑

黃葉邨莊詩集卷八

州泉吳之振 孟舉

立夏前二日陳丙齋宮詹招過閒園話別
即席次韻八首

隔昔紅箋戒盍簪長年識路到薊林風來櫓背驚
歎側水長蘆根劃淺深高座也容狂士襍劇談方
見古人心新斲缸面堪浮白底用華筵敵一金
萼滑芹香簇縷新風花別作一番春彈冠自爲清
時慶牽袂偏于老景親寸草向榮滋露葉千章長
護飽霜筠市壚記取山塘約旋典春衫算酒緡

黃葉邨莊詩集卷八

一

烏絲小樣寫新詞禪榻茶煙杜牧之惜別不辭酬
險韻迭春賸欲把深卮浴蠶已及初眠候煮筍剛
逢上番時應爲家園風景好脂車秣馬故遲遲
推君壇坫挾雙輶擊鼓擎旗迭倡酬未減風流同
射雉本無機械不驚鷗車乘薄笨時相過刺挾綾
紋肯浪投此去玉堂清夜永也應燒燭話西疇
還往長鬚記叩肩瑤華幾度落青冥絳帷屢換調
箏譜藤紙閒鈔放鶴經寂歷虛堂今雨歇龍葱丙
舍暮雲停平蕪送眼知何處春草坡前舊有亭
濁油燈暗坐清宵老屋如僧退院寮尋壑經邱雖

異派安枝布葉總同條瓦鐺側注煎茶熟蠻盒提
攜啖餅焦千絹漫遺皇甫湜可容文格到孫樵

昔年

與近翁論文巷南書屋
者茶噉餅每到丙夜

櫻桃含豆瀉勻圓躑躅醅醱也鬪妍哺子學飛鶯
百轉吹絃匝地柳三眠園林自領幽人賞節物都
因好句傳有興提壺留信宿斯言欲踐已經年
行藏未許俗方隅雲出無心不待呼聯騎軟紅吹
野馬一帙暝翠映檣烏紛爭白虎誰翻案解唱黃
麈得濫等近日廟堂資格重好從講幄進訂謨

次韻答汪璞霞舍人

黃華都莊詩集卷八

江城小泊得相親未及同傾麪米春行卷羨君叅
活句華顛笑我作陳人十年往事翻雲雨一座高
朋間舊新有約聽歌黃葉畔笙簧筆柱為調勻

自竦四十初度以詩索和次韻贈之

世路爭機巧不留些子餘癡歎吾自得狡獪爾還
踈甘作拖腸鼠羞為黠額魚無煩著客難且復賦
閒居

袞袞諸年少翩翩亦斐然寄生為寔藪杞柳作栝
椿風雨夕何夕呬唔年復年高談輕訓詁精義在

陳編

君年剛四十意氣肯銷磨駿馬初銜勒春蠶未化
蛾工詩應作祟病酒不須嗟頌禱從來嬾嫌他語
近阿

自昔輕流輩結交半老蒼座中餘皂帽屏後少紅
裳八案存先澤圖書發古香贈君無長物五字伴
壺漿

題希文被蘭圖

丁字簾鈎亞字闌紫泥玉屑護芳蘭折來不向釵
頭插品第花容仔細看

情懷老去絮沾泥綺語憑君畫卷題開閣定知傷

黃華莊詩集卷

盛德文牀還合倚青藜

輓顧雪媚太翁

姻婭過後歲月長兩家婢媪得叅詳幾番書札供
南果每見提攜到北堂孺慕偶然徵細碎頽風誰
復輓綱常蓋棺一慟無餘事不為寰區姓氏香
九十高堂七十兒不殊鑄蠟意錢時衰年躡躡原
無節此日追隨若有期紀異應侷馴雉賦補亡重
釋白華詩新阡俎豆雲輅降猶見靈風滿素旗

次友人見贈韻

漫滅青綾恥自媒每論文處幾遲徊偶來曲巷紆

殞地却對幽人激灑杯世自雕搜諧俗句天教錘
鍊不羈才郭郎鮑老休相笑作隊蹒跚上戲臺

次韻答盛宜公

昏花老眼矚秋豪獨立蒼茫四望勞萬事不堪成
兔角千金空擲等鴻毛紛紛壇坫誇名士滾滾江
湖笑此曹短綆幾年慚汲引門風詎敢學孤高
湮波去住本何求聚散渾如泛水鷗羨子有方能
治疾嗟余無地可埋愁韶華入眼仍衰謝世路驚
心轉謬悠所喜新詩堪慰藉經旬錘鍊近隨州

耻將褊性敵深衷肥膩清高可許同已辨小兒呼

黃葉邨莊詩集卷八

四

德祖定當俗物數安豐雲衣變滅成蒼狗劍氣輪
囷吐白虹話到燭殘還痛飲觥船須放十分空

息影寒巘蔽綠蘿久拋書卷廢吟哦摩挲好句波
瀾潤觸撥鬪情感慨多茵閣潮添梅正熟花房紅
斂酒微醺外間此事誰能解壺口敲殘奈爾何

竹洲精舍語溪南白足黃冠盡盍簪每詫騎鯨追
李白幾時化鶴返蘇耽黃芽爐裏曾同煉柏子庭
前也共叅如雪顛毛成底事好留枯木伴瞿聃

江邨澤國斷知聞舊話瀾翻舉似君枸杞盤根穿
敗壁冬青糝雪繞荒墳

黃葉邨莊西有土阜俗人名爲
何坡蓋南渡時顯官墓道也黃金

氣可騰霄漢白璧辭原幻雨雲雞脚且煨蠶豆熟
桑麻熟火儘氤氳

祝孟蓼邨廣文

紅蓼邨同黃葉邨一江南北漲潮痕我方箕踞長
松下君正讀書秋樹根絳帳高文關氣運青烏妙
技轉乾坤

蓼邨精于堪輿家言

堆盤苜蓿人休笑也有茶鐺間

酒罇

次東陽庭梅韻

沿溪曳策覓幽香又渡橋闌轉曲廊一片梅花遮
屋住却疑身到白雲鄉

黃葉邨詩集卷八

五

冰肌玉骨露天真抹粉塗朱總不倫慎勿折來將
驛使素衣也染洛陽塵

暖日和風次第回討春車子轉輕雷一枝自領幽
人賞不用詩催不肯開

藿盞冷淡舊家風箬指梅花可禦窮更恐花神嫌
醉眼不將麩糝泥無功

次韻答宜白上人

捉塵誰堪語悠悠笑此生座中人淡遠窓外月分
明詩卷供幽課茶瓜了世情莫嫌滋味薄一酌語

溪清

次魏環極司寇贈傅郡守韻

芳規接踵話循良善政傳家有義方一笑陽橋麾
道左水盂薤本訪任棠

荆棘枝梧事事難中宵只問此心安何妨虛席迎
寒士不肯低頭事上官

詩書勲業總天真撐柱朝墻第一人七字哦成等
華袞縹緗遺澤見先民

金城草木感殊恩老樹交柯犢長孫種德百年應
食報高車駟馬頌千門

次寒泉老人韻

黃華郭莊詩集卷八

六

探梅趁殘臘節氣今年早稚冰寄尺書匆匆不暇
草隔江斷往還柴扉跡如掃榻來城西庵偶印泥
中爪語妙脫玷翳開襟許精討如轉九府錢輪廓
都淨好閒臨乞米帖骨格到蒼老新詩清而腴酸
寒笑郊島晨鐘發深省聞道不爲天種瓜已得瓜
底用安期棗

壬申秋杪遲益齋別駕過草堂奉邀小飲

未果即次集中訪羅飯牛韻却寄

不辭衝雨踏泥沙
得得經臨野老家
痛飲已拚傾
綠酒高唼未許對黃花
曲江曾嘆詩才迥

張夏鍾極贊
尊味妙絕

話水應留醉墨斜蟹眼注湯澆茗椀清風兩腋不

須賒

以廟介惠泉奉贈

再疊前韻東益齋

紛綸世事笑團沙小試牛刀屬當家野興不妨尋
漫叟高懷元合伴寒花連村社鼓風帘蠹隔港菱
歌兩艇斜何日停車黃葉路拍浮缸面為君賒

詩情合擬謝玄暉首肯闌干道貌肥小樣蘭亭親

搦字臨池時見墨花飛

月吐銀蟾桂吐香新篔簹蟻綠蟹脂黃共君小戶難

浮白不敢當筵進巨觴

躡影追光駐小年讓他鴛鴦策先鞭試看青瑣金

闈客誰讀南華第二篇

門繞清溪春復秋襟期澡雪與天遊名山雜遝來

簾幌何事憑虛羨十洲

惡客難磨眼著沙君如過飲欲傾家

猶云欲竭家資以釀酒飲之也故魯直云欲傾家
以繼酌至以家釀對素金者非見老學菴筆記

月來種河陽縣裏花粘塊蟹筐行勃窣摩霄鷹翻

任欹斜閉門投轄愁無計小住懸知十日賒

任欹斜閉門投轄愁無計小住懸知十日賒

撒米當筵巧作沙低頭合拜大方家凌晨急足剛
傳語隔昔長檠已吐花玉骨羨君同鶴瘦霜毛笑
我受風斜青松白石心期在莫謂天涯把袂賒

次韻答桐鄉二尹劉南村

霜晴天氣早春如岍憤篷窻識面初績學方知尊
稔褐虛懷不肯鬪華裾頭銜曾見昌黎集風土依
然越絕書却羨閒曹無俗事正堪長嘯野人廬

東郭看菊五疊前韻

竹護茅亭水護沙秋光偏落野人家周圍半畝無
多地辛苦經年得此花灌水澆畦愁日炙編籬插
棘畏風斜好留醒眼酌高致不是東鄰酒嬾賒

黃葉那莊詩集卷八

送閻復庵郡守歸淮安即次留別元韻

擔飯提壺送使君禦兒亭畔悵離羣經過霜後無

黃葉

今年霜少極和
葉竟無黃者

持贈山中只白雲分手詩情還跌

宕掉頭世路任糾紛歸舟合傍枚臯宅弄笛斜陽

話舊聞

六疊沙字韻再答南村

幾道寒泉走白沙村梢郭外是儂家長鬚打戶踏

黃葉老眼開緘墮黑花瓦鉢蔬香雙穗坼銅瓶茶

嫩一旗斜

見貽珍珠
菜六安茶

藤箋筠管閒家具欲報瓊瑤意

總賒以箋筆
來答

題張文一採芝圖

踏磴捫蘿逕屈盤杞苗甘爨菊苗寒筠籃采埒多
靈藥能輓親顏勝渥丹

松齋曾寄一編詩把讀霜顛變黑絲懷袖金丹堪
換骨何須更覓九光芝

穀城黃石麻姑酒狡獪留侯并鄴侯若要神仙兼
將相幾人得伴赤松遊

水蛭蝨蟲亦性情煎熬煅煉釜中鳴孫真人千金方以多
戕物命不得早成仙
道知君定笑嵇康陋挈拾肥甘論養生

黃葉邨莊詩集卷八

九

薤草刪花老漸更殘年勲業在躬耕山中雪後多
黃獨肩荷長鏡作隊行

祝宋牧仲中丞次家志上韻

台輔光華射斗南十年吳會兩停驂剛稜氣節人
爭重調劑心期世少諳好士定知尊短褐尋山時
復到精藍春風已動梅花信準擬隨公逐處探
氣足神完道自凝扶攜底用一枝藤歡呼聲裏荒
年穀熱鬧塲中六月冰幸舍客同麤糲飯虛堂書
對濁油燈清標曾識佳公子韋布蕭然笑五陵長公

曾過黃
葉邨莊

長淮廬舍接炊煙殘臘驅馳雨雪天
聯袂鷓鴣行招舊友掉頭驢背得新篇
癸庚豫算盈虛數甲子都忘大小年
他日河防成載記周詳碩畫羨公賢

魚鱗六六到江濱兩度傳書重主臣

兩葉公寄書法存

掣臂

鷹鷂思俊格倚軒鶴立見長身
閒攜陸羽煎茶具醉墊陶潛漉酒巾
好躋公堂同致語十風五雨太平民

題徐道冲觀泉圖

披衣石上寫泉聲逝水回瀾太古情
坐斷千巘松子落可知人世有逢迎

黃葉邨莊詩集卷八

十

皴却雙眉撚斷髭松陰亭午了殘詩
神遊八表難安處未許丹青聖得知

次則峰上人遊黃葉邨莊韻

風雨三間屋桑麻十畝園種魚堪入饌
舞鶴不乘軒自愛清言迥非關勝事繁
柴扉高插棘正爾絕攀援

閒攜雙屐不借覓路得谿橋已識鬚眉古
應知脚力饒門庭雖廣大徒衆漸紛踣
安軫張絃處煩君好手調

癸酉花朝發興遊元墓以風雨中阻漫堂

中丞留飲署齋即席次遊元墓原韻六

首

未能成小隱蹤跡類張台野興隨春水詩情入曉
嵐西溪曾獨往鄧尉約重探辜負梅花信終身抱
此慚

風雅久淪喪知交半陸沈偶來開府席重話蜀州
琴味以真方永情緣淡轉深悠悠盛冠蓋誰復數
同心

路轉珍珠塢橋通練瀆河幾重青嶂繞一望白雲
多並樹鉤輈語連舟欸乃歌山靈應笑我風雨嬾

黃葉邨莊詩集卷八

七

經過

辛未春同顧伊在宗伯三宿珍珠塢內
舍此後欲發興一游每為風雨所阻

公餘隨杖屨小圃覓幽香落瓣黏苔徑低枝護葯
房雨還留夕照老更惜春光喚醒羅浮夢歸途嘆
望洋

擬學華光老孤行潑墨花難描姿綽約只寫骨槎

枿品格誰區別譏彈一笑諱因公真解事振藻發

天葩

如入琳琅圃光華照座間

座中喜晤今嗣山
言暨毘陵邵子湘

書同和氏

璧歌欠白家蠻拜跪忘拘束郵筒許往還顏唐吾

較甚借酒輓衰顏

湘老與子年齒俱少千公
而子衰顏更甚故及之

不學京館六

詩集卷之次心壁瓦鉢韻

贊公來說法花雨曼陀羅瓦鉢漆包裹青銅待琢
磨泉香堪洗濯飯滑重摩抄更把軍持贈垂垂老

澗阿

次韻送心壁歸廬山

女陽亭子北把袂送將歸計及投蓮社行當換葛

衣經函魚繭滑詩板墨花飛贈語藏吾拙呼兒誦

采薇

古人賦詩言志不必拘泥作者之意主賓酬酢瞭然可觀合人果牘連章讀竟不解其意趣所屬與古人相去逕庭矣

略徇依蘭若鐘聲話舊游臨流思濯足望遠一登

樓秔稻三年計芙蓉萬頃秋天涯雙屐齒莫忘草

堂幽

黃葉都莊詩集卷八

三

題濯足圖

暮春天氣日徐徐楊柳風來酒面初洗脚臨流真

快事滄浪清濁不關渠

題公遷小像

又袖江頭倚竹枝樓鞋短後老漁師古今多少垂

竿手若个躊躇罷釣時

次介山韻送鳴遠歸陽羨

來從茗溪來去向語溪去柔櫓聲呶啞爾汝如相

語鼎鼎夏忽秋能復幾相聚

呼童理茶具說君不去口相識十五年戊午到癸
酉悠悠眼中人輸心幾良友

倉卒成主賓峭壺酬枉矢孟夏草木長際此風日
美俗事勞如絲屏當不須理

習俗尚華巧有力推輓之款識雕篆隸雲雷間蛟

螭弗笑呂生陋巾箱摹贗碑

宣城呂建侯琢精絕摹研銘
藏弁余謂茶甌子銘工妙者亦

可摹
捐也

藝事多勝流隔昔不期會縛糴菰苗香壓簷桐葉
大何事君獨歸繫船柴扉外

次漫堂後園行散雜咏六絕句

黃葉邨莊詩集卷八

三

舟車南非路出處慎所與高人有幽期披襟得深
語

小草不知名繞砌當春開紛披遮老眼不看牡丹
來

廿年種菜把策勲老圃右小詩儘波瀾讓公泉石
手

昔人譜花事未蒙寵命加自公吟賞後品格並瑒

花

詩中乍驚殘雪在零落
繡毳花句最爲警絕

春半飛柳花小池萍匝匝爲愛兩鴛鴦竹弓休打

鴨

埽地靜焚香清風千載留擾擾彼何人鑄錯窮九

州 章蘇州所至
輒埽地焚香

次陳石雄廣文見懷韻

曲曲城隈淺淺溪柴扉低小與肩齊雨侵苔壁題
猶濕月落楓林路不迷欲寄尺書無白雁每思斗
酒共黃鸝蕭然樊圃清新句山靜日長似子西

煑芥茶再送鳴遠

不用春前摘露芽麤枝老葉儘槎枒宋人漫說頭
綱好莫把旗槍辨芥茶

柳絲吹盡不成絲活火烹泉當酒卮日淡風輕天

氣好山中剛值焙茶時

次韻寄答丙齋

離合寧於出處分青山紅樹動吟魂衰遲敢謂知
希貴閱歷真成養拙尊井戶竹床容我嬾前溪釣
石待君溫雞豚湯餅過從慣計日軒車指筆門

老去轟騰泥醉鄉不知誰短復誰長幾看時輩因
人熱一展清言沁齒涼學力已窺詩格進官閒合
遣宦情忘帽簷定插黃花滿笈倚烏雲兩鬢霜

邀定山彈琴賦詩甚適次韻奉答并寄峽

十幅蒲颿正飽風翩然南北復西東早知餉米無
仁祖弗漫依人比伯通鱸膾每嫌三泖隔蟹螯今
喜一樽同虛堂丙夜聞清奏月白霜寒有斷蓬
尋章摘句幾詩人家具酸寒我較貧點染太多空
取拙聲華未盡總非真溪南老子誠無敵橫卷新
篇更絕塵空向驚鳧吹舞鶴正聲此外總漂淪

送鄭肇修宮諭還朝

少壯過從成老大華顛相對各淒然不因冷暖更
花葉自信風霜飽歲年記按清歌吳市酒重聽今
雨越溪船巾箱一笑酸風在長物無多只舊檀

黃葉邨莊詩集卷八

五

鹿牀遠寄新詩并示佛蘭絕句次韻奉答

敦槃耆舊數同心脫畧形骸意轉深兩地故人悲
宿草

謂晚邨

廿年黃葉夢寒林嫌他竈養來爭竈笑

我針師怕賣針麗句佛蘭香透篋翻愁華髮不勝簪

和漫堂中丞深靜軒韻

黃州無愠齋文字載碑陰貽戒後來者弗使廐庫
侵彈指數十年碑石皮刀碓俗吏不足誚感嘆閱
古今惟公退食餘步屨得幽尋荒池鑿翳蒼老屋
架欹欵時把一卷書跛脚發清吟桐露潤斐几竹

風戛絃琴不重昔人跡實獲靜者心脫能從公游
當軒一開襟

子瞻論政理治民如養性不假藥石攻飲食得寧
靜築堂祀蓋公善言寶龜鏡此中分荆殊太簡實
滋病闢茸起紛擾張弛各互應宋公才識優藏鋒
宇泰定東南財賦區事事順甲今即此一室間履
屐見緯經軒窓開踈豁竹樹亦明靚摳衣靜不譁
賓客肅然敬大書倡和詩爰告屬吏聽教誠銘盤
孟詎獨富篇詠

題禹尚基自畫卜居圖卷

黃葉都莊詩集卷八

六

炙燭相看形影親不須攬鏡自傳神寫真定要尋
佳士誰是風流第一人

危樓矗矗樹踈踈四面湖光鏡不如寄我草堂新
樣子好依粉本築邨居

和漫堂懷西湖次東坡元韻

名區不易邁亦貴地主賢人境偶相值勝事難兩
全西湖比西子房老成棄拊山川不能語榮辱由
乎天憑眺興咨嗟寂寂逮百年但取點俗目載志
空流傳豈乏紈袴子彈絲烹肥鮮白骨塚累累過
眼飛雲煙雨洗修容開依然弄春妍刺船菰蘆間

湖山相對眠何用，結遐想轉側滋熬煎。明年乘傳
遠，王事得所便。尋我黃葉邨，一了泉石緣。拍浮缸
面熟，不費青銅錢。

題查聲山太史寫經圖

珠函寶藏記前因，恰有龍眠爲寫真。紙淨墨香親
拂拭，容臺重現宰官身。

雲封土埭靜無煙，馴鹿呼兒傍母眠。丙夜梅花香
透屋，經聲應徹九摩天。
誓墓三年寫一經，如槌十指竟何曾。笨工老去難
驅策，畫作澆蔬擔飯僧。

黃葉邨莊詩集卷六

七

細馬輕絲沙路軟，六更漏徹趁朝歸。團圞頭說無
生話，不礙朝衫襯道衣。
昭玘何緣謗佛書，嫌他騎馬却尋驢。若將誦讀爲
干櫓，萬語千言總緒餘。

題漫堂松溪洗研圖

點綴鈔花雜假真，多聞原甫世無倫。巾箱寧寶新
坑石，不染香姜閣底塵。

唼唼游魚妮隊回，墨花雲影兩徘徊。休嫌一研如
拳大，曾寫軍書破賊來。

取研爭如取友難，儂風俗樣總須刊。三橋石子雖

麤惡可爲吳郎拂拭看

曾以文三橋研泰贈

題邵又節小像

仰觀與俯察隨地得心畫未許手眼追一過了無迹

買屋乞題榜寫真索賦詩入市評價值君應兩失

之

又節爲余八分書甚南書屋額

聞見前後錄識大亦識小不易得解人一覽殊草

盤礴太古心偃蹇泉石間口哦泉明詩悠然見南

山

有所贈

壯士傷遲暮寒林日影斜一聲結襪子匣劍隱金花

次種菊韻

幾年種菊槿籬邊遍乞名花肯浪傳老去心情同
槁木嬾隨紅紫鬪鮮妍
客到邨醪也禦窮不煩太守遣龐通團圍日向花
前飲羞殺軒車拜下風
高枝踈葉耐霜寒不與凡葩一例看若遣青紅供
俗眼任他牆角鬧雞冠

天桃人面艷陽春翠袖天寒別樣新白髮婆娑堪
慰藉看花仍是去年人

人面桃一種甚妖艷

西風不隔庾公塵一帶頽垣即比鄰若把種花同
治國東籬應化葛天民

用放翁東籬記意

蘧蓀朝蓋夕陽收灌溉臨溪不外求為閑安排華
屋處蕭疎爭似草堂幽

題宋中丞西陂魚麥園

云云洛水天上流東滙隋渠入宋州桑麻梨棗莽
無際極目四望皆平疇城西數里闕伯墓村居幾
簇成鄉聚蒹葭蘆葦水漣漪南湖映帶相泐沂宋

黃葉邨莊詩集卷八

九

公于此得小築高懷淡蕩盟鷗鷺堆垛茅屋打
頭蜿蜒枯藤草塞路猪圈牛欄結比鄰魚池水碓
若碁布精廬時見高僧來略約止容樵子渡向予
指點輒欣然每欲移家此中住曰歸曰歸胡為乎
身為形役忘真吾易進難退古所戒松菊荒落田
園蕪篇童流咏意未愜更屬禹生畫作圖圖中偶
摘元子句意與漫叟相合符平沙柱渚點鳧鴨藕
花菱葉間芟蒲披衣石脚肆盤礴波光蕩漾射清
盧一童持竿坐船尾閒靜不類豪家奴歸田上計
已堅決哦詩讀畫相招呼奈欲酌酒浮大白謂公

比擬非其徒春陵賊退示官吏時值唐季多艱虞
跬步窒礙豺虎橫賢人在位如顛愚當今天子重
耆艾委寄心膂莫名區東南民力雖疲弊撫摩三
載凋瘵蘇老手正需握鈞軸廟堂高坐資謀謨鴻
文大篇勒彝鼎豈肯細碎學猗玕

皇甫湜詩次山有
文章可憐只在碎

成定蒙南園賞不向君王乞鑑湖客聞余語笑掩
鼻癡人前說夢中事農夫耕穫漁種魚與公治民
豈二義網罟臨淵禁鯤鮪九州千里族所聚長桐
薄翼周四時來牟嘉植供委輸昔人理國喻烹鮮
清瑩毫毛苦紛鶩虻蚊蠶種類繁耘耔蔗藜去
蟲蠹神龍妙用不可測乾坤出入恣游戲朝衫叢
笠傀儡場廊廟山林同所寄君不見深淨軒前水
一池游儵潏潏柳絲絲悠然會得西陂意何異方
船傲兀時

黃華郡莊詩集卷八

三

綠牡丹

雲容月魄鬪精神素袂臨風染麴塵此日凭闌邀
一筇筠籠不貴洛陽春

金觥標名事已非僧寮詩版錢斜暉姚黃老去風
沅減好殿春光舞綠衣

次青壇觀王補雲畫壁韻

紛綸畫苑如亂麻規模形似神理隔調研朱粉澆
絹素但解烏黔與鶴背語以六法目瞪視何異暗
中強摸索補雲時輩推老手更喜淋漓畫牆壁見
我歎歎忽傾倒潤筆不煩千匹帛運管盤旋風雨
疾疑君雙腕有神力崇臺傑觀費經營絢葉蓼花
同翦刻勒回沙渚意蕭閒烘出烟雲氣炬赫兩岍
兼葭鷗鷺明千峰霜霰關山白危檣爇天上來
萬馬奔騰勢辟易軒窗扁固深護持未許俗人恣
吮嗜却笑高資買蕭字得失誰爲辨尋尺悠悠嗜
好閱古今無異障錢并蠟屐

黃葉邨莊詩集卷八

五

登前韻贈章遜來

琴燕堂前共君飲親串牀分上下隔呷唔弄笛呼
阿戎團樂說餅記束皙此時即欲攫君畫廣筵四
座難求索侍郎屬寫入瑞圖東綃淋漓張素壁正
值廟堂下明詔里閩父老賜粟帛吾儕把鉏老南
畝飽飯摩圍歌帝力酒闌別去忽三年彈指前塵
如片刻今年七月暑氣清瑟瑟金風埽炎赫低蓬
小泊王家溪橋影溪光秋月白聞聲尋我菰蘆中
炙燭驚看鬚鬢易舉頭星斗漸闌干過眼烟雲同
昨昔男兒意氣劇可憐出門跬步凜繩尺補衲行

纏踏葉來弗著元章高齒展

黃葉邨莊詩集卷八

黃葉邨莊詩集卷八

三



黃葉邨莊詩集卷八

黃葉邨莊詩集卷八

